

# Vun driweriwer

---

erscheint auf [www.lenauheim.de](http://www.lenauheim.de)

monatliche  
Erscheinung

August 2012

von Helen Alba

## Was em alles passiere kann

Je ab, mir fahre ins Bad!

Jedr gfreit sich schon wuchelang vorher uf de Urlaub. So ach ich, weil mer han in dem Summer vorghat, ins Bad zu fahre. Alles war geregelt, mir han Rentnerkarte ghat, for uns in Sankt Georgen/Sângeorz Băi im Kreis Bistritz ausruhe un Behandlung fors Rheuma un Magenleide zu mache. De Kupfer war gepackt, de Zecker mit Esse un Wasser war gericht un schon sin mir an die Bahn. Weil ich schon seit längrer Zeit nimi mitm Zug gfahr un somit am Temeschwarer Bahnhof nix zu suche ghat han, war ich erstaunt, wie mer dorte ankumm sin. Der Bahnhof soll jo renoviert gin un deswejer war alles ufm Kopp gstann dorte. Ke elektronischi Tafel, wu mer hätt schau kenne, vun welle Gleis de Zug abfahrt. Ach de Informationsschalter war wie wechgeblöst. Nor an eener Mauer hat so e Schild mit de Abfahrtzeite ghong. Dorte war angeschrieb, dass unser Zug vum Gleis vier abfahre werd. Also nix wie die Trappe nuner, am Gleis vier wieder Trappe nuf un warte. Wie nor noch zehn Minute bis zur Abfahrt ware, laaft e Zug ufm Gleis ens in un in dem Moment verkind de Lautsprecher, dass des jo unser Zug is. Hals iwer Kopp nochmol treppab un treppauf, schnell un ausser Ochtum sin mer in de Waggon Nummer zwaa ingstie un de Zug is ach schon abgfahr. Unser Plätzer ware 36 un 37. Doch wupsdich: Im Kompartiment war ke Nummer 37 zu finne. Was jetz? Is nix iwrich geblieb, wie sich uf e anri Nummer hinzuhucke un abzuwarte. Wie de Kartezwicker kumm is, der hat uns erklärt, dass des wahrscheinlich e elektronische Fehler war, wie mer bei der CFR-Agentur die Bahnkarte gelest han. De Zug war voll, im Kompartiment war noch een Platz frei. Un es war stark heiss. Mer hat ke Huner, nor Dorscht verspiert.

Ach die längschi Nacht geht rum

In Lugosch is ach des freiji Platz bsetzt gin. Es is e Mann zugstie, der hat sticker drei Säck mit Umorke un Paprika ghat, weil awer ke Platz me im Gepäckträger war, hat er sei Säck zwischer de Fiess platziert, so dass mer alli ingedrängt ware. Un der Mann hat sei Maulwerk spaziere gelosst, hat ohne End verzählt, dass er jo in Belgien wohne tut un schon die ganzi Welt bereist hat. Nit nor Europa kennt er in- un ausewenzich. Ach Amerika, Australien un sogar China un Japan hat er gsiehn. Mei Kopp hat schon weh getun, es war zehn Uhr owets un ich hätt geere mei Ruh ghat.

Vun dem ville Wassertrinke hat mer ach mol nausgehn misse. Des war nit so einfach, iwer die Umorkesäck zu kumme. Un dann bei der Toilette ankumm, ach dorte war alles runderum belagert. Zigeinre han sich's uf der Erd kummod gemacht un eener hat sogar gschnorkst. Un jetz kummt e Iwerraschung. Die Tier vum Klosett war zugsperrt. Mer hat dorch zwaa anri Waggons gehn misse, bis mer endlich e uffenei Tier derwischt hat. Wie ich wieder glücklich uf meim Platz geland war, han ich mer vorghol, lieber Dorscht zu leide, wie de Wech noch phaarmol mache zu misse. Ach die längschi Nacht geht rum. Geger vier Uhr Morjets sin mer in Ilva Mică ausgstie.